

Хургълулх хөөднѣ ирчкв

Целинн района „Родина“ гидг нертѣ колхоз гучн хойр минъгън хөөтѣ. Цуг торгън нооста, сѣн тохмта хөд. Тер тоогъас эн джил хургълхнѣ арвн дөрвн отар хөд. Эн арвн дөрвн отарасн, эрт хургълх гурвн отаринѣ Хар газрт дорнѣ хургълулхар үлдѣв.

Оратдж хургълх арвн негн отар хөөдинѣ, энд колхоз деерән хургълулхар авч ирв. Тиим холас, хаврин хар балчгт хургълх хөд тууна гидг наадна төр биш. Тер төлѣд „Родина“ гидг колхозин ахлач Вдовин, партийн организацин сеглѣтр Власов болн завхоз Лунев эн кергт ик гидг чинр өгч, чидлән арвлл уга, шундж белдлгѣ кецхѣв.

Хөөчнрин хот-ховц, өлгѣдинѣ ачдж ирх шишлнѣ маши илгѣв. Зууран усн уга газртнѣ хөд услдж йовх ик-ик цистернтѣ машидилгѣгѣд, хөөдлѣ хамднѣ ус теелгѣв.

Чинәнѣ тату, эццн хөөдт зууран өгч йовхд кергтѣ хотнѣ бийсләрн авч йовцхав.

Кергтѣ тоот өвсн, комбикорм, хотинѣ эндѣс, өмнѣснѣ зөөгѣд, зогсх-зогсх газртнѣ бел кев.

Тиигѣд адгъл уга, амр-таварнѣ туугѣд, арвн дөрвн хонад эндк бѣәрндән ирв. Хө туулгънд хөөнѣ фермин толгъач Черников гардвр болв. Дакад малин эмч болдж көдлдж Драгунев болн веттехник Курилов хойр эрүл-дорул йовтха гидж хѣлѣвр болдж йовцхав.

Ах хөөчнр Санджин Церн, Свиначев Андрей, Боран Анджа болн Пахомов Евгений дөрвн, эн хөд туулданд зууран нег чигн гару уга, сѣн гидгѣр онъган өгч, хөөдән менд авч ирцхѣв. Кошармуд, хургъд йилгъдг шитмс, кергтѣ хот-хоолинѣ болн хургъд хѣлѣдж асрдг улсинѣ чигн белддж. Ода деерән, эн джил хургълх арвн минъгѣ шаху хөөнѣс, зуунаснѣ зун тавн, зун-арвн хургъ, гару угагѣар менд гаргъдж авхар ик гидгѣр киндж белдвр кеджәнѣ.

ЭРНДЖАНѢ К.